

eorum ac filios dedisse servis suis in prædam, qui zelaverunt zelum Dei.

R. Quod Deus dicitur Simeoni gladium dedisse ad eum modum, quo dedit postea Chananæis et Assyriis, ut divinæ justitiae administrari essent ad punienda peccata, cum ipsi interim propterea non essent sceleris immunes.

Laudat itaque Judith vindictam ex parte Dei, qua Sichimitarum impunitas et violentia vindicata est; laudat et zelum pudicitiae, quem Simeon habuit contra stupratores; minime tamen laudat factum vel modum, quo zelum istum executus est.

Obj. II. Cap. XLVIII, 52, dixit Jacob ad Joseph: *Do tibi partem unam extra fratres tuos, quam tuli de manu Amorrhæi in gladio et arcu meo.* Atqui LXX per partem illam intelligent *Sichimam*; ergo judicavit Jacob, hanc civitatem a se fuisse legitime comparata: alias enim de ea non disposuisset, sed reddidisset eam hæredibus cum omnibus bonis ex ea ablatis.

R. Disting. min. LXX intelligent per partem illam *Sichimam*, hoc est partem agri urbi sichimiticae propinquam, quam emerat a filiis Hemor patris Si-chem centum annis, cap. XXXIII, 19; concedo: intelligent urbem sichimiticam; nego min. Porro quod partem illam agri post excidium sichimiticum derelictam Amorrhæi occupaverint, et Jacob eamdem ab ipsis in gladio et arcu recuperaverit, probabiliter asserimus supra ad caput XXIII.

Quod vero urbem Sichimam Jacob nunquam occupaverit, patet ex eo, quod statim post funestam illam cedem, ex ea regione discesserit; ut dicitur in sequentibus.

Obj. III. Licitum est ulcisci gravissimam tantæ familiæ illatam injuriam: imo et oppressores similes omni jure condemnantur.

R. Hoc esse plane licitum, dum vindicta non sit privata auctoritate, nec modus exceditur; cuius utriusque reos fuisse filios Jacob, satis ostensum est.

CAPUT XXXV.

Jacob familiam suam idolis expurgat, Deoque altare ædificat in Bethel, ubi rursus Israel appellatur. Moritur Rachel in partu Benoni, quem pater vocat Benjamin. Ruben incestum committit cum Bala concubina patris sui. Numerantur filii Jacob, cuius pater Isaac moritur.

QUESTIO UNICA. — AN HOC CAP. ALICUJUS PECCATI ARGUENDUS SIT JACOB.

Dico 1. Qui omnia proximorum facta in sinistram solent partem detorquere, festucam, quam in oculo fratri sui se videre apprehendunt, trabem esse sibi imaginantur. Hinc calumniatores in Jacob innocentem rursus insurgent; et quidem

1. Rabbini arguunt eum infidelitatis in Deum, quod votum suum, a viginti novem circiter annis Deo factum in Bethel, post suum in Chanaanitidem accessum, ad novem circiter annos distulisset, illectus fer-

tilitate terræ sichimiticæ: quamobrem Deum assenserunt permisso raptum Dinæ, et deprædationem sichimiticam, per filios suos attentatam; ut sic, irritatis Amorrhæis, vel invitus cogereretur terram illum deserere, et tendere in Bethel, votum suum expletur.

2. Perpetuus Jacobi mastix Calvinus reflectens ad y 2: *Abjicite deos alienos, qui in medio vestri sunt, execrandae idolatriæ arguit cum Rachele Jacobum.* Hinc perspicimus, inquit, quorsum tenderet furtum Racheli; neque enim voluit patrem a superstitione retrahere, sed in ejus vitium successit: neque venenum hoc apud se continere, sed sparsit in totam familiam. Sic pessima contagione infecta fuit illa sancta domus. Unde etiam patet, quanta sit hominum ad impios et vitiosos cultus propensio, quando domestici Jacob, quibus pura religio tradita erat, tam cupide oblati idola arripiunt.

Nec vero prorsus insecus fuit Jacob: sed credibile est, nimis fuisse uxori, ut sua indulgentia pestem domi tacitos aleret.

3. Scivit incestum Ruben primogeniti sui, qui tam impudenter thorum paternum temeraverat; et impium hoc crimen tacite dissimulavit; ergo et approbavit.

Dico 2. In nulla harum calumniarum vel navis inventari potest, qui Jacob in culpam imputetur. Unde

R. ad 4, quod non nisi juxta Dei voluntatem tam diu (si tamen verum sit, quod diu prope Sichem moratus fuerit) in terra sichimitica permanserit, donec opportuna adesset occasio migrandi in Bethel, et explendi votum Deo factum: nam de impletionis illius dilatione nullatenus ipsum arguit Scriptura, sed potius promptam ejus insinuat voluntatem. Vix enim inter omnes illos mœores et afflictiones apparuerat ei Deus, dicens y. 1: *Surge et ascendite Bethel, etc.*, quin illico, y. 2, convocata omni domo sua, datoque mandato ab ieiendiis diis alienis, etc., y. 3, dicat: *Surge et ascendamus in Bethel, et faciamus ibi altare Deo, qui exaudiuit me in die tribulationis meæ, et socius fuit itineris mei.* Quam grata autem fuerit Deo haec prompta voluntas, patet ex y. 5, ubi terror Dei invasit omnes per circuitum civitatis, et non sunt ausi persecuti recentes.

Quod autem additur, haec de causa permisum esse raptum Dinæ, et deprædationem sichimiticam, purum putumque est segmentum rabbinicum; cum S. Bernard. tract. de 12 Grad. humilit., cap. XXIX, conformiter ad Scripturam, raptum illum refundat in Dina curiositatem; unde hic a Deo permitti potuit ad exemplum posteritatis, ut unde discent virgines, quam sit periculoso vagari solas variisque se et incertis oculis objicere, etiam sine ulteriori mali intentione. Pari modo cædem et deprædationem Sichimitarum potius Deus permisit, ut filii Jacob, tanquam instrumentis sue justitiae, uteretur ad puniendo peccata Sichimitas.

Si vero quis velit, haec partim permissa fuisse ad probandum justum Jacob, velut aurum in fornace,

facile manum dedero; licet in his et similibus occulta Dei judicia non esse inquirenda fatear.

Ad 2, nego suppositum, quod hic agatur de idolis Laban, quæ abstulerat Rachel; quia sic per annos circiter novem ea in familia sua latere vel ignorasset Jacob, vel tolerasset; quod de viro integerrimæ religionis, tot interea beneficis divinis cumulato, dicere calumniosum est. Profecto crimen hoc ingens non tacuisse Moyses, qui vel apparentes etiam Jacobi nævios exacte notavit; imo nec dissimulanti peperit Aaroni.

Dico ergo quod Jacob hic intelligendus sit de simulacris, que tum filii, tum domestici ejus ex Sichimitarum direptione abstulerant, eo quod ex pretiosa materia essent conflatæ.

Colligitur hoc 1. Quia vix mandatum dederat Jacob, et dederunt ei omnes deos alienos, quos habebant. Atqui non tam facile dedidissent idola, si per novem circiter annos ea amassent et coluisserent; ergo.

Colligitur 2. Quia dederunt ei omnes deos alienos; ubi videntur plura simulacula exprimi: atqui Rachel non abstulit plurima patris sui idola, cum omnia, iis insinando, ipsa sola tegere potuerit.

Colligitur 3. Quia agitur hic de diis alienis, qui pretiosas habebant *inaures in auribus eorum*: atqui de similibus inauribus nihil meminit Laban; ergo non agitur hic de idolis Laban.

Inst. I. Ergo prodigaliter egit Jacob, infodiendo subter terebinthum pretiosa ista monilia, quæ sui non coluerant.

R. Neg. sequelam; quia hoc faciendo, zelum ostendit religionis, prudenterque præcavit, ne quis suorum per ea postmodum forsitan seduceretur.

Inst. II. Quidni potius ea destructa, vel sibi, vel Deo applicuit? Sicuti postea David tulit coronam de capite Melchom idoli Ammonitarum, sibique inde fecit diadema; et sicuti spolia regum Syriæ quos debellaverat (inter quæ aliqua verisimiliter idolorum templis deservierant) ad fabricam et usum templi destinavit.

Respondet Abulensis: Noluit illud aurum vel argentum in aliam formam conversum accipere, ut quod semel dicatum fuerat cultui dæmonum, nunquam applicaretur ad usum hominum.

Respondet Salvianus, quod hoc videantur ex abundantia fervoris, potius quam ex necessitate factum. Interim melius forsitan

Respondetur, quod facere hoc potuerit Jacob, ut vel sic ostenderet quantum sibi displiceret temerarium et injustum utriusque filii sui in direptione sichimitica facinus. Ex quo disparitas eruitur haec, quod prædam Ammonitarum justo sibi bello comparasset David; Jacob autem existimaret spolia Sichimitarum nullo sibi jure deberi.

Ad 3 dico, quod Jacob proxim sit imitatus prudenter, qui filiorum et subditorum peccata ad tempus dissimulant, dum vel majora patiuntur, vel ex correctione acerbiora timent secutura mala, ut magis

sedato animo, et majori cum fructu postea corrigant quod erat corrindum.

Porro in mediis tunc doloribus versabatur Jacob, tum ob molestias viarum, tum ob amissam dilectissimam suam Rachelem, in partu Benjamin extinetam. Ex altera autem parte metuere poterat ferocitatem incestuosi filii sui primogeniti Ruben, quem punivit exemplariter in fine vitæ; ut patet ex cap. XLIX, 3 et 4.

CAPUT XXXVI.

Duces et reges ex Esaū prognati recensentur, tum ut constet non fuisse irritam promissionem Dei, cap XXV expressam: Duo populi ex ventre tuo dividuntur; tum etiam ut ostendatur, benedictionem Isaaci cap. XXVII datum Esaū, reipsa fuisse adimpletam.

QUÆDAM RESOLVUNTUR. — Petes 1. an uxores, quas hic legitur accepisse Esaū, duxerit post mortem patris sui.

R. negative, et dico cum S. P. Aug. Q. 118 in Gen. *Quod post narrationem mortis Isaac narratur quas uxores Esaū accepit, et quos creaverit [sive quos genuit filios] recapitulatio intelligenda est: neque enim post mortem Isaac fieri cœpit, cum jam essent Esaū et Jacob centum viginti annorum. Nam eos sexagenarius suscepit, et vixit omnes annos vitae suæ centum octoginta.*

P. 2. an uxores, de quibus hic agitur, sint eadem quæ recensentur supra, cap. XXVI et XXVIII.

R. Probabiliter affirmative. Quare observa, quod pluribus nominibus olim tum viri, tum feminæ appellantur: unde hic y. 4, Esaū vocatur Edom, et alibi Seir; quod bene notandum, ut conciliari queat genealogia hoc cap. proposita cum eis quæ dicuntur I Paralip. I, 56 et seqq. Itaque uxor Esaū quæ hic vocatur Ada, filia Elon Hethæ, eadem cap. XXVI, 54, vocatur Judith, filia Beeri Hethæ: et quæ hic vocatur Ooliba-ma, filia Anæ, ibi vocatur Basemath filia Elon. Rursus quæ hic vocatur Basemath, illa cap. XXVIII, 9, vocatur Maheleth.

P. 3. quomodo hic y. 6 dicatur Esaū post mortem patris sui Isaac abiisse de terra Chanaan, et habitasse in monte Seir, et recessisse a fratre suo Jacob.

Videndum, inquit Estius, quomodo hic locus non repugnet cap. XXXII, ubi dicitur Jacob rediens ex Mesopotamia misisse nuntios ad fratrem suum in terram Seir, in montem Edom; item cap. 53, ubi dicit Jacob se secuturum vestigia Esaū, donec veniat in Seir, imo et Esaū reversus dicitur illo die, itinere quo venerat, in Seir; quomodo igitur hic tamen dicitur a fratre suo recessisse, et habitatione sue delegisse montem Seir?

R. cum S. P. Aug., Q. 119 in Gen.: *Esaū postea quæ in Mesopotamiam frater ejus abscessit, noluit habitare cum parentibus suis, sive ex illa commotione, quæ dolebat se benedictione fraudatum, sive aliqua causa, vel uxorum suarum, quas odiosas esse videbat parentibus, vel qualibet alia. Abiit ergo in Idumæam, sed non animo stabiliter permanendi. Deinde post redditum Jacob*

(Neuf.)

fratris sui, facta inter eos concordia, reversus est et ipse ad parentes [in terram Chanaan], et cum mortuum patrem simul sepelissent, quia eos plurimum ditatos terra illa, sicut scriptum est [hic y. 7] minime capiebat, abscessit rursus in Seir, et ibi propagavit gentem Iudaeorum atque sedem stabilem fixit.

Discessit ergo, non coactus armis Jacobi, ut Judaei somniant, sed sponte propter gregum copiam; in hoc imitatus consilium avi sui Abrahe, qui eadem de causa separavit se a Loth nepote suo. Factum est autem hoc natus divino, ut terra Chanaan Jacobo cederet, et posteris eius, quibus promissa fuerat.

Circa genealogiam Esaui nota, quod hoc cap. usque ad y. 18, recenseantur ejus posteri nude et sine addito; y. autem 15, duces; y. vero 31, reges; rursus y. 40, duces: quia primo Idumaei amplexi sunt regimen aristocraticum, deinde monarchicum, postea rursus aristocraticum. Porro tam duces, quam reges habuerunt electivos: unde regni successores ponuntur, non defunctorum filii, sed alii; ut observat Abuensis, et etiam hic satis liquet ex y. 32 et sequentibus.

Observa ulterius, quod duces qui hoc cap. enumerauntur ante reges, tam ex filiis Esaui quam ex Horreis, non successerint sibi mutuo, sed multi eorum simul vixerint, atque non terram Seir integrum, sed partes seu urbes in particulari gubernarint; ita ut et duces simul fuerint de Horreis et filii Esaui, v. g., Lotan frater Thamnae de Horreis dux fuit, similiter et Eliphaz primogenitus Esaui eodem tempore dux fuit, sed quisque in regionibus suis. Ubi vero prævaluerunt filii et nepotes Esaui, expulsi Horreis, electus est rex ex posteris Esaui.

Observa denique, quod saltem duces, qui hic recensentur post reges, non videantur in terra Edom regnasse ante mortem Moysis. Ratio est, quod anno 40 post egressum de Aegypto, quo mortuus est Moyses, Idumæi adhuc haberent regem; ut liquet ex cap. XX libri Numerorum: ergo duces illi qui fuerunt post reges, regnaverunt in terra Edom post mortem Moysis. Ex quo ulterius sequi videtur, finem hujus cap. non a Moyse scriptum, sed ab aliquo alio hagiographo adjunctum fuisse; probabiliter ab Esdra, qui post captivitatem Babyloniam Scripturæ libros restauravit, et in ordinem rededit.

CAPUT XXXVII.

Joseph accusans fratres apud patrem, visaque somnia narrans, fratrum odium in se concitat, adeo ut ipsi necem machinentur; sed liberat eum Ruben: suadente autem Juda, venditur Madianitis, et ab his Putiphar in Aegyptum.

QUÆSTIO UNICA.— QUOMODO VERIFCENTUR DUO SOMNIA JOSEPH.

Orditur hic Moyses historiam Joseph, quam præceteris prosequi debuit, quod ex hac pateat occasio cur postea filii Israel in Aegyptum abierint, ipsaque

sit quasi filium et connexio praecedentium et sequentium. Interim

Nota 1. Quod dum in nostra Vulgata dicitur y. 2: Joseph, cum sedecim esset annorum, pascebatur gregem, apud chaldaeum vero, hebreum et LXX: septendecim annorum, nulla sit contradicatio: expleverat enim annum decimum sextum, et inchoaverat decimum septimum. Et hoc sensu dicit S. P. Aug. Q. 122 in Gen.: Joseph autem decem et septem annorum erat, passens cum fratribus oves.

Nota 2. Ubi dicitur: *Et erat cum filiis Balæ et Zelphæ uxorum patris sui;* quod videatur Jacob gregum curam divisisse, ita ut partem unam curarent sex filii Lie, alteram quatuor filii ancillarum; quibus Josephum adjunxit, quia non tam ægre ferebant isti natu minorem sibi præferri.

R. et dico: Duo sibi somnia contigisse narrat Joseph y. 6, 7 et 9, dicens: *Audite somnum meum quod vidi: Putabam nos ligare manipulos in agro: et quasi consurgere manipulum meum, et stare, vestrosque manipulos circumstantes adorare manipulum meum.... Vidi per somnum quasi solem, et lunam, et stellas undecim adorare me.* Hæc sua somnia Joseph non legitur interpretatus, sicut postea est interpretatus somnum Pharaonis; tum quod non videatur ei Deus ejus somniorum adhuc intelligentiam eo tempore revelasse, ne forte efferretur in superbiam; tum etiam, quia satis obvium erat patri et fratribus ex ingenii sagacitate conjecturare, quid ea somnia sibi vellent. Circa verificationem autem istorum somniorum tria potissimum occurunt, quæ cum eventu minus cohærentevidentur:

1. Quomodo potuerit Joseph videre fratrem sum Benjamin manipulos cum aliis fratribus ligantem, cum hic adhuc esset puerulus, et verisimiliter in cunis vagiret.

2. Qui fieri potuerit ut Jacob, sub solis symbolo, visus sit filium suum adorare; cum hoc ex Scriptura erui posse non videatur.

3. Qia ratione inter futuros Josephi adoratores recenseatur mater ejus, quæ ante habitum illud somnum in vivis.

Verumtamen quod primum attinet, facilis est responsio: quia eventus illius somnii non spectabat præsentem, sed futurum Josephi statum: porro Benjamin (ut refertur cap. XLIII) cum cæteris fratribus Josephum, dum erat in Aegypto pro-rex, adoravit; ergo et manipulus ejus dici potuit coram manipulo Josephi procubuisse.

Secundum quoque non magnam patitur difficultatem: quanquam enim patri suo in Aegyptum venienti Joseph potius honorifice occurrerit, quam ab eo fuerit adoratus; nihilominus antequam Jacob sciret Joseph esse Aegypti principem, eum veneratus est, dum eodem cap. XLIII, per filios suos ei munera misit (quæ sine adoratione offerri non solent) et quidem totius familie sue nomine, adeoque etiam uxoris vel uxorum, si quæ tunc superessent: de quo non constat. Præterea cum filii Jacob a Joseph interrogaren-

tur, antequam fratrem suum agnoscerent, an pater ipsorum adhuc viveret: responderunt y. 28: *Sospes est servus tuus pater noster, adhuc vivit; et incurvati adoraverunt eum; utique non nomine tantum proprio, sed etiam paterno.*

Tertium vero majorem patitur difficultatem; cuius tamen eventum, uti et præcedentis, confirmat S. Chrysost. hom. 66 in Gen. exponens hæc verba c. XLVII, 31: *Adoravit Israel Deum conversus ad lectuli caput* (qua LXX, et Apost. Heb. XI, 21, sic referunt: *Adoravit fastigium virgæ ejus*): *Vide senem* (inquit) *decrepitum patriarcham adoratione in Joseph honorem declarare, et re ipsa implere visionis eventum.* Quando enim narravit Joseph visionem, dixit: *Nunquid ego, et mater tua veniens, et adorabimus te super terram?*

Deinde inquirens, quomodo somnium illud impletum esset in matre, quæ jam ante defuncta erat, subiungit: *Perpetuus Scripturæ mos est, a magis principali totum significare.* Quoniam igitur caput mulieris vir est, cum adoravit caput, manifestum est quod corpus totum caput sequebatur. Si enim pater hoc fecit, multo magis illa, nisi ex hac vita præcepta fuisset, hoc fecisset. Quibus verbis significat quod Jacob non quidem adoraverit propriam Josephi personam, sed eminentem in eo regiam dignitatem; atque idem virtualiter equidem Rachel præstiterit.

Obj. I. Rachel jam mortua erat, cum somnium illud resserret Joseph; ergo nequidem verba Jacob: *Numquid ego, et mater tua, et fratres tui adorabimus te super terram?* potuerunt stare cum somniis præfati eventu.

Respondent Oleaster, Cajetanus aliique vetustiores interpres (ut refert Lyranus) neg. assumpt. contenduntque Rachelem tunc temporis adhuc fuisse in vivis. Verum (inquit idem Lyranus) directe repugnat textui Scripturæ, Rachelem tunc fuisse in vivis: nam in præsenti cap. dicitur, quod Joseph missus fuerit de Hebron a patre ad visitandos fratres suos.

Ex quo patet, quod ibidem manebat Jacob quando Joseph fuit venditus: atqui Rachel fuit mortua, antequam Jacob venerit in Hebron ad patrem suum Isaac; ut patet ex cap. XXXV: ergo Joseph venditus est post mortem matris sue.

Insuper hic dicitur Joseph vidisse undecim stellas adorantes se (qui erant undecim fratres ejus) et consequenter jam natus erat Benjamin: atqui tamen in nativitate Benjamin mortua est Rachel; ut liquet ex cap. XXXV, 18: ergo somnum Joseph et venditus ejus facta sunt post mortem Rachelis.

Hec autem omnia approbat Pererius enarrans omnes stationes Jacob a suo et Mesopotamia exitu usque ad accessum ad patrem; ex quibus ostendit mortuam tunc fuisse Rachelem. Relicta igitur auctorum illorum responsione, insistendum potius antea allate S. Chrysost. explicationi.

Obj. II. S. P. Aug. ingenue fatetur se non posse juxta sensum historicum questionis hujus exitum reperire: ait enim Q. 423 in Gen.: *Nisi in aliquo mysterio dictum hoc accipiatur, quomodo potest intelligi de*

matre Joseph, quæ jam erat mortua? Quinimo et Joseph a patre suo fuisse adoratum, negat ibidem; ergo ad verificandum hoc somnum cum S. P. potius ad mysterium est recurrendum, adeo ut Joseph Christum repræsentaverit, in ejus nomine omne genu flecteretur, etc.

R. S. P. tantum recurrere ad mysterium, ut verificetur quod mater Josephi eum adoraverit in propria persona; idque patet ex verbis quæ subjungit: *In Christi ergo persona facile intelligi potest etiam de mortuis,* secundum illud quod dicit Apostolus (ad Philip. II), quia donavit ei nomen quod est super omne nomen; ut in nomine Jesu omne genu flectatur, cœlestium, terrestrium, et infernorum. Verum hæc nihil obstare videntur quominus dicatur, hoc somnio significatum fuisse, quod Joseph ad tantam evehendus esset dignitatem, ut comparatione conditionis, in qua erant fratres et parentes ejus, ab illis merito foret adorandus; cum et ab Aegyptiorum principibus fuerit adoratus.

Quandiu igitur fratres eum non cognoscentes adoraverunt, sic et pater et mater, si in Aegyptum venissent ad ignotum, eumdem venerati fuissent. Hoc autem modo, si non proprie, manet equidem metaphorice verus sensus litteralis, idque stante somnii eventu.

Caterum quod addit S. P. de adoratione patris, nihil quoque urget, cum tantum agat de tempore quo filium suum convenit in Aegyptum: cum interim certum sit quod eum antea per filios adoraverit. Patet hæc solutio rursus ex ratione quam addit: *Quia, inquit, nec pater eum adoravit quando ad eum venit in Aegyptum.*

Demum per matrem hic intelligenti aliqui vel Balam Rachelis ancillam, quæ Josephum educaverat, vel Liam; sed cum nulla sit certitudo quod alterutra tum supervixerit, videtur prioribus solutionibus potius insistendum.

Nec refert quod infra cap. XLIV, 20, ad Josephum dicit Judas: *Ipsum (Benjamin scilicet) solum habet mater sua;* quia per illa verba tantum intendit significare quod ex duobus filiis Rachelis solus Benjamin superesset; ut patet ex textu Hebraeo, in quo ita habetur: *Remansit solus matris sua.* Et sane si per matrem Benjamini Judas intellexisset Balam aut Liam, non potuisset dicere: *Ipsum solum habet mater sua,* quandoquidem Bala et Lia alios filios, et quidem proprios seu naturales, haberent.

CAPUT XXXVIII.

Judas generat Her et Onan, quos Deus ob nefandum peccatum morte plectit. Thamar dolose ex Juda concipit, gignitque Phares et Zaram.

QUÆSTIO PRIMA.— AN EA, QUÆ HIC NARRANTUR DE JUDA EJUSQUE FILIIS AC NURU, CONTINGERE POTUERINT TEMPORALM INTER VENDITIONEM JOSEPH, ET DESCENSUM JACOB IN AEGYPTUM.

Apposite, quamvis ex abrupto, Moyses hic interse-